

یوز سکسان درنجی ماده بر کیمسه آمر مجبرك امر یله بر شخصی قتل  
ایسه قاتل جزاسی آمری حقنده اجرا اولنور  
آمر مجبر ماموری امرینه مخالفت ایتدیکی تقدیرجه اتلافه مقدر اولان  
کیمسه دیمکدر بوندن ماعداصورتلرده مأمورا اولان کیمسه معذور اوله میوب  
قتل جزاسی انک حقنده اجراقلنور و بومثلاو آمر غیر مجبر حقنده دخی موقتا  
کورک جزاسی حکم اولنور

یوز سکسان بشنجی ماده بر کیمسه آمر مجبرك امر یله بر شخصی جرح  
یا ضرب ایدر سه یاره و بره سنک درجه سنه کوره بالاده مذکور اولان  
جرح و ضرب جزاری آمری حقنده اجرا اولنور و اگر آمر غیر مجبر ایسه  
بو جزا فاعلی حقنده اجرا اونوب بومثلاو آمر غیر مجبر اولنور دخی برهفته دن  
برسه نه یه قدر حبس اولنور فقط قطع یا تعطیل عضو ایله امر ایدن  
کیمسه هر حاله موقتا کورک جزاسنه مستحق اولور

یوز سکسان التنجی ماده مدافعه و محافظه نفس و عرض ایچون  
وقوعبولان قتل و جرح فعلاری معافدر

یوز سکسان یدنجی ماده کیمسه لین بر کیمسه برادمک خانه یادکان  
یا اوطنه سنه نزد بان قوروب چیقارکن یا خود جبرا کلید السنده کی برلی  
بوزارکن و یا خود برمسکون خانه تک یا مشتملا تنک دیوارینی دلر و یا قوسنی  
قیرار ایکن اول کیمسه بی دفع ایچون وقوعبولان قتل و جرح و ضرب  
فعلاری کذلک معافدر

واکر بو کیفیت کوندوزین اولور ایسه اشبو قتل و جرح و ضرب فعلاری  
بتون بتون معاف طومناز ایسه ده فاعلی معذور اولوب حقنده ۱۹۰ ماده ده  
بیان اولنه جق و جهله معامله اولنور

یوز سکسان سکرنجی ماده بر کیمسه زوجه سنی یا خود دیگر محارمند ن  
برینی بر شخص ایله فعل شنیع اجرا ایدر ایکن کورو بدیه ایکی سنی بردن  
قتل ایسه کذلک معذور در